



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1553. usque ad annum 1557

**Fleury, Claude**

**August. Vind. [u.a.], 1771**

**VD18 9011857X**

§. 48. Galli prælio devicti.

---

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

Sæcul. XVI. quingentesimi quinquagesimi quarti  
 A.C. 1554. mensibus nondum advenissent.

## §. XLVIII.

*Galli prælio devicti.*

*Thu. l. 14.  
 Comm. de  
 Mont. luc.  
 liv. 3.*

*Bellefor. l. 6.*

*Pallav. hist.  
 Conc. Trid.  
 l. 13. c. 10. n. 2.*

Interea Galli ferme ubique victoriam reportabant (\*) verum Ferrariensis Cardinalis discessus eorum res plurimum evertibat; hic enim Strozio infensus eundem supremi Imperii socium habere dedignabatur; quocirca Strozzius a Mariniani Marchionis exercitu, qui duodecim peditum millia, trecentos cataphractos, ac mille ducentos levioris armaturæ Equites recensebat, eximia fortitudine undique premebatur: Strozzius enim non nisi sex Italorum peditum millia, ac decem Germanorum, totidemque Grifonum, ac quatuordecim Gallorum vexilla habebat præter duo equitum millia, quibus Mirandulanus Comes præerat, ac in pluribus velitationibus nonnunquam victor recesserat. Verum die secunda Mensis Augusti tan-

(\*) Quales hæ fuerint victoriæ, Continuator alias pro gentis suæ gloria adeo verbosus tacet: Thuanus autem, ex quo hic cuncta descripsit, nihil aliud refert, quam Cammolliæ munimentum a Ducis milite Gallis fuisse ereptum, & Bentivolium a Mariniano Marchione repulsum fuisse.



tandem res ad prælii discrimen devenerat, ubi Strozzius cæsus, ac vulneratus recessit, quamvis enim fugientes Gallos revocare, atque dispersos ad vexilla reducere niteretur, nihilominus jam semel, atque iterum equo suo dejectus sclopeti glande trajectus fuit: tandem vero quantumvis faucius ad peditatum, in quo reliqua ipsi spes erat, reversus illum fugiente equitatu desertum invenit, sua tamen præsentia tantum effecit, ut peditatus ordines suos servaret, & frontem quasi pugnaturus hosti ostenderet. Ast Marinianus, ne partam victoriam temeritate amitteret, cum residuis Gallis haud congregiendum, sed satis, superque esse existimabat, si contra hostem quatuor belli tormenta explodi juberet, quorum tamen explosionibus tantam Gallis stragem intulit, ut post diuturnum duarum horarum certamen solutis penitus ordinibus profligarentur: Cæsi sunt in hoc prælio Gallorum quatuor millia, ut Cæsarei testantur, licet Historicorum nonnulli occisorum numerum duntaxat ad duo millia reducant (\*). §. XLIX

Sæcul. XVI.  
A.C. 1554.

(\*) Observat Thuanus Scriptor Gallus, quod hujus certaminis locus Gallicidium fuerit vocatus, idque augurium internecionis Gallorum victores post pugnam acceperint.

Hist. Eccles. Tom. XLII.

F